


WWW.JUSTICE.GC.CA/YOUTH

IHUINAAQTUP AYUQHAQTIKAIYAA



Ihuinaaqtup ayuqhaqtipkaiyaa ukuninnga Inulramiit ihuinaaqtut akhuurutauyumik havaangit piyakhangit titiraqhimayumi *Inulramiit Ihuinaaqtut Maligaliqinirmut Maliganga* (qablunaatitut naittumik taiyauyuq *YCJA-mik*). Akhuurutauyuuq ihuinaaqtup ayuqhaqtipkaiyaa kangiqhiyaa havaangit tamainni atuqtamingnik ukunani Inulramiit maligaliqinirmut qanuriliurutikhangit.

Una naunaitkutaq piqaqtuq naunaitkutunik ukunanik inulramiit naunaitkutingit titiraqhimayumi uumani *YCJA*. Naunairyuumirumaguvit pittailiniq titiraqtailidjutinganik, uqaqtigilugit Titiraqtailidjutiuyut naunaitkutangani. Una naunaitkutaq pidjutauyuuq pittailihimangitturlu himmautikhaanik ayuittiaqhimayut maligaliqinirmut ikayuutikhanganik. Naunairyuumirumaguvit, takulugu *YCJA* Naittuq Qauyimadjutinganiklu iluittumik titiraqhimayuuq *YCJA-mi*.

Naunairyuumiutinga uumunnga ihuinaaqtup ayuqhaqtipkaiyaa havaanga uumani ihuinaaqtut maligaliqinirmut qanuriliurutikhangit, ilihaidjutikhat ikayuutikhanginniklu piinarialik ikayuriami ihuinaaqtup ayuqhaqtipkaiyaa, pulaarlugu Maligaliurvinga Ihuinaaqtup Ayuqhaqtipkaiyaa Ihumaalutigiyauyut qaritauyakkut pulaarvingani.

Ihuinaaqtup ayuqhaqtipkaiyaa unalu Inulramiit Ihuinaaqtut Maligaliqinirmut Pidjutinginnik

Tamna *YCJA* uqaqtut ihuinaaqtup ayuqhaqtipkaiyaa piyakhaq “pimmariktumik, nagliguhuklugu ihumagiqpiarlugulu inminik ihumagiyumik hiamitiqtailiyumiklu naglikhaaqtukharlu mikiumik pidjutinga ayuqhautigiyanganik pidjutauyuuq ilaunirmik ukununnga Inulramiit ihuinaaqtut maligaliqinirmut pidjutinginnik.” Hapkuat ilumuurutingit naunaiyaqtakhaa inuit

(Victims)

tamaita tamna Ihuinaaqtup ayuqhaqtipkaiyaa pipkaidjutigiyaa uumani Inulramiit maligaliqinirmut pidjutinginnik.

Atuqtakhangit Inulramiit Ihuinaaqtut Maligaliqinirmut Qanuriliurutikhangit

Tamainni piyauyunit, atuqtakhangit uumani Inulramiit ihuinaaqtut maligaliqinirmut qanuriliurutikhangit naunaiqtitauyuuq ukunanik:

1 Ihuinaarutinga Uqaqtauyuuq Paliihimamut

Tamna Ihuinaaqtup ayuqhaqtipkaiyaa uqaqtaa ihuinaarut paliihimamut.



2 Paliihima Katitiriyuq Naunaitkutinganik

Paliihima uqaqatigiya Ihuinaaqtup ayuqhaqtipkaiyaanut hulidjutinganik takuyanganik tuhaayamingnikluuniit. Paliihima apiriinarialik aatlanik inungnik (ukunatitut, tautuktut) humik takuyut tuhaayullu.

3 Paliihima Naunaiqtitaa

Ihumagiyauyuq Ihuinaarutigiyumik

Paliihima naunaiqtitaa inuk ihumagiyaat ihuinaarutiyuq, piyuq naunaitkutunik katititamingnik. Iltariyaayuq uuminnga ihumagiyauyuq ihuinaaqtuq aadjikutaringitaa tikkuqaqtauyuuq ihuinaaqtumik apiqhuringmi. Kaanatami, kituliqaak “inuk pipkaidjutaayuq ihuinaarutimik pilaarutilik hulinngittuq kihimi naunaiqtitaukpat ihuinaaqtuq.”

4 Kiuluni Ihuinaarutimut – Ihumaliurluni

Qanuqtut Pigiami Inulrammiq Pipkaidjutigiyumik

Tamna *YCJA* tuniyaa paliihima unalu Akigaqti (kavamatkut apiqhuqtiup akiraqtinga) qaffinik piyaxhangit qanuqtut pigiamingni inulrammiq ihumagiyaukpat ihuinaaqtuq.

- Maligaliqinirmut hilataanit qanuriliurutingit ilaliutiyuq iltariyaungittumik qanuriliurutingit naunaipekaidjutaautitut, qayagiyauniq aatlamullu takuyaqtuquiniq. Pinahuat pigiami inulrammiit pipkaidjutigiyumik ilaliutihimangillugit apiqhuirviit ihumagiyauyullu piqaqtut hivulliqpaanguyuq ihuinaarutauntinga, iqhinaittut ihuinaaqtut pipkaidjutigiyumik.

Maligaliqinirmut hilataanit angrutingit iliaraihimayut ihuatqiyauqhuqhimayumut ilihaidjutinik piliuqhimayunik qablunaat nunagiyanganit aviktuqhimayunillu. Atuqtaunginnarialik taimaa ayurnaitqiyauqhuqtaut qanuriliuritingit piitpallaqqat pipkaidjutigiami Inulrammiit kiudjutaanik unalu inulrammiq angrumiuk tamna ihuinaarutigiyaanik.

- Maligaliqinirmut qanuriliurutingit ihuatqiyauyuq apiqhurninga. Apiqhuqtaulirumi, tamna inulrammiq imaatut pittaaqtuq:
 - Ihuinaaqtuq, taimaa tiguyautikhanganik ihuaqhinaqtaat; **UNALUUNIIT**
 - Ihuinaangittuq, talvuuna apiqhuqtauniaqtuq.
 - Apiqhuqtaulirumi, tamarmik uqarniaqqaat qanuriliurutingit uqarluni Inulrammiit apiqhuqtinganut.
 - Apiqhuqtuq ihumaliurniaquq piqarumi tautuktauqaqtuq talvunga ihuaqtumik apiqhurniq tamna inulrammiq ihuinaarutiyuq.

Inulrammiq uqarumi ihuinaaqtuq ihuinaangittumikluuniit piyaukpat, apiqhuqtiyuq piqaqtuq hivituyumik aatlatqiinik ihuinaarutiunut qanuriliurutingit atuqtaqtut pipkaidjutigiami inulrammiq piyaanik. Tamna qanuriliurutingit iluumurutingit *YCJA* maliktaxhangit naunaiqtaik piliuriami ihumaliurutinganik.

Ihuinaaqtup ayurhaqtipkaiyaa Ilaunninga

Titiraqhimayumi *YCJA-mi*, ihuinaaqtup ayuqhaqtipkaiyaa piinarialaqihimayakhaa naunaitkutitut ihuaqtunut maligaliqinirmut qanuriliurutingit tuniyauniaqturlu kitunik piyamamingnik ilaugiamingni talvunnga. Una uuktuutigilugu, ihuinaaqtup ayuqhaqtipkaiyaa ukuninnga pittaaqtuq:

- Ilturilugu kinauyaakhaanik inulrammiup ihuinaarutiyuq, taimaa una naunaitkutaq taiguagakhanungaqaqtuq aatlanulluuniit uqaqtauluni;

- Takuttaaqtuq ihuaqtunik apiqhuqtaunniinga naunaitkutinginnik;
- Naunaiqtitauttaaqtuq Maligaliqinirmut hilataanit angirutingit;
- Uqarluni inulrammiq apiqhuqtauliqqat;
- Ilauluni Inulrammiit maligaliqinirmut katimatillugit katimayiinginnullu; unalu
- Piliurluni “Ihuinaaqtup ayuqhaqtipkaiyaa Pipkaidjutauyuq Titiqqamik” qayangnarutinut pipkaidjutauyuq ihuinaarutinganut, aatlanut uqaqtauyuq apiqhuqtautimut qanuriliuqtinnagu ihuinaaqtuq.